



15. december 2009

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpunga:

Nanortallip eqqaani Tasiisaarsummi erngup nukinganik nukissiorfiliornissamik pilersaarutaasimasup suut tunngavigalugit unitsineqarsimanera pillugu Naalakkersuisut paasissutissiisinaanerlutik? Erngup nukinganik nukissiorfinnik piorsaaneq eqqarsaatigalugu kujataani arlaatigut nutaanik Naalakkersuisut pilersaaruteqarpat? Kujataani kuultisiorfimmi piginnittut nutaat Kommune Kujallerlu suleqartigiillutik Tasiisaarsummi erngup nukinganik nukissiorfimmik pilersitsisoqarsinnaaneraniq misissuisoqarnissaa siunertaralugu Naalakkersuisut pilersaaruteqarpat?

(Inatsisartunut ilaasortaq Debora Kleist, Inuit Ataqatigiit)

Tunngavilersuut:

Kujataani Qorlortorsuarmi erngup nukinganik nukissiorfiliornermi pilersitsinermut atatillugu, inuttaasut qinikkallu akornanni annertuumik qassiiliutaasarsimavoq. Qassiiliutinut patsisaasarpog Qorlortorsuami erngup nukinganik nukissiorfiliornepup Qaqortup kujasinnerusortaanut annertunerusumik iluaqutigineqannginnera.

Inuttaasunik oqallititsinerni ataatsimiisitsinernilu Qorlortorsuarmi erngup nukingata annertusineqarneratigut Alluitsup-Paanut iml. Nanortalimmut aammalu inoqarfiusunut Qorlortorsuarmut qanittuniittunut aamma iluaqutigineqarluni atorluarneqarnissaa kissaatigineqartuarpoq anguneqarnissaalu innersuusutigineqartuarluni.

Tamatumani aamma pingaartumik akit assigiikkunnaarnerisa malitsigisaanik nunatta kujaterpiaani sarfamut imermullu akiliutit qaffammata, erngup nukinga atorlugu nukissiorfiliap atuisunut taakkununga aamma iluaqutaalernissaanik piumasaqaatit annikkillinngillat.

Innuttaasunut ulluinnarni inuuniarnermut akiligassatigullu nammatassat annertusinerat tamanut annertuumik malunnaateqarpoq. Tassani eqqugaanerupput isertitakinnerusut aammalu akunnattumik isertitallit nalinginnaassumillu tapiissutinik pinissamut periarfissaqanngitsunik.

Kuultisiorfiup piginnittortaavinik Kommuuni Kujallermi pisortat ataatsimeeqateqarneranni paasissutissiissutigineqartut naapertorlugit kuultisiorfiup pilersaarutigaa kallerup inneranik pilersornikkut atortorissaarutaasut annertusarnissaat pisariaqartinneqartoq, maannakkut kallerup inneranik atortorissaarutaasup annikippalaarnera pissutigalugu. Tassani tunngavilersuutitut pingaarnerpaattut taaneqartoq tassaavoq, piiakkat (malm) qaarusuup iluani siunissami immikkoortiterneqarlutik suliarineqartarlernissaat siunertarineqarmat. Pissutsit taamaalippata kallerup inneranik atuneq annertunerusog sunissami pisariaqartinneqalertussaavoq.